

Herr Baget/wille gy dat Ordel vnde Land Recht weten/  
so gy hüt dissen Dach Widdüchtig spreken/vnd in der Bed-  
de breke/ desylve de yuw hefft spreken heten / de scholl yuw in  
der Widde benemen / ydt gabe dar wider vmmme fort wat  
Land Recht ys.

Her Baget/wille gy my wider helpen thom Ordel.  
All wat recht ys.

Herr Baget/ ick begehre noch Ordel vnde Recht/ eines  
rechten Deling Holsten Recht / wor he dat nicht bejaen ed-  
der benemen schal/ dat he my in der Widde benemen wil vor  
dissen behegeden Lottding / vor disse beyden Bysitters / Her  
Baget lat my darvp Delen finden wat Recht ys.

Dat Ordel vormahne ick vor den Dinge Mann/de De-  
le vnde finde wat Recht ys.

Herr Baget/wil gy dat Ordel vnde Land Recht weten/  
he schall ydt hir bejaen edder benemen / dat he yuw in der  
Widde benemen wil / ydt gabe dar wider vmmme fort wat  
Land Recht ys.

Her Baget wil gy mick wider helpen thom Ordel.  
All wat Recht ys.

Her Baget / ick begehre noch Ordel vnde Recht/ eines  
rechten Deling Holsten Recht / wen ick mynes Hövetman-  
nes Rede vnde Wort nicht holden fönde/ als ick wol scholde/  
wat ick nicht möchte vmmme tasten / frege einen fryen Hol-  
sten in myne stede/ de mynes Hövetmans Rede vnde Wort  
vorlicht beter holden fönne als ick/ Her Baget lat mick dar-  
vp Delen finden wat Recht ys.

B ij

Dat